

Headline	Datuk JKR Melaka, pengurus TNB Kota Bharu terus ditahan		
MediaTitle	Kosmo		
Date	23 Aug 2016	Language	Malay
Circulation	197,202	Readership	875,000
Section	Negara	Page No	7
ArticleSize	214 cm ²	Journalist	N/A
PR Value	RM 16,725		



Datuk JKR Melaka, pengurus TNB Kota Bharu terus ditahan

MELAKA - Tahanan reman terhadap Pengarah Jabatan Kerja Raya Melaka, Datuk Khalid Omar bagi membantu siasatan berhubung kes rasuah yang tamat semalam disambung selama tiga hari lagi bermula semalam.

Penolong Pegawai Pendaftar Mahkamah Majistret Melaka, Mohd. Anuar Ostadi mengeluarkan perintah reman tersebut ke atas Khalid, 56.

Pada 17 Ogos lalu, mahkamah mengeluarkan arahan reman ke atas Khalid selama tujuh hari bagi membantu siasatan Suruhanjaya Pencegahan Rasuah Malaysia (SPRM) mengikut Seksyen 17(a) Akta SPRM 2009 kerana meminta rasuah.

Terdahulu Khalid yang memakai kemeja-T berwarna jingga tertera perkataan Lokap SPRM tiba di Kompleks Mahkamah Melaka di Ayer Keroh di sini pukul 9.10 pagi ditemani pegawai SPRM.

Khalid kemudian dibawa keluar dari kompleks mahkamah kira-kira sejam kemudian selepas prosedur sambung reman selesai.

Sementara itu, di Kota Bharu, tahanan reman ke atas Pengurus Tenaga Nasional Berhad (TNB) cawangan Kota Bharu

turut disambung enam hari lagi berkuat kuasa semalam bagi membantu siasatan berhubung kes rasuah dan penyalahgunaan kuasa.

Perintah reman sehingga Sabtu ini terhadap Arman Othman, 47, dikeluarkan oleh Pendaftar Mahkamah Sesyen, Nor Faizah Abdullah.

Dia dibawa ke Mahkamah Sesyen Kota Bharu pada pukul 11.30 pagi sebelum prosedur sambung reman selesai pada pukul 12.45 tengah hari.

Semalam, seorang jurutera dan dua juruteknik Tenaga Nasional Berhad (TNB) cawangan Kota Bharu dan Tanah Merah direman sehingga Sabtu ini bagi membantu siasatan berhubung kes rasuah.

Difahamkan, jurutera berusia 30 tahun dan dua juruteknik masing-masing berusia 42 tahun dan 50 tahun itu turut mempunyai kaitan dalam kes tersebut.



KHALID dibawa keluar dari Mahkamah Majistret Melaka semalam selepas prosedur permohonan sambung reman ke atasnya selesai.



ARMAN dibawa keluar dari Mahkamah Sesyen Kota Bharu semalam selepas tahanan reman ke atasnya disambung lagi.